



# 阿 公 的 園 葡 萄

文、圖：胡師睿、周思叡





阮阿公有一塊葡萄園，葡萄葉共棚頂拋甲密州州，  
親像是一頂青色的布棚。放假的時陣，我佢阿兄上佢意去葡  
萄園掠蟲豸來耍，園裡用來載葡萄个揀車嘛是阮个迫退物仔，阿  
爸會揀阮佇坎坎坷坷的塗跤從來從去，實在真刺激！





阿公親手仔葡萄園邊仔起一間寮仔，寮仔內底有各種作稽需要的家私頭仔，阿公就親像魔法師共款，調配出足濟款的肥料佢農藥，頂真照顧葡萄媽媽，向望會生出甜蜜的葡萄仔囡。







阿公講，春天是葡萄發穎的季節，作穡人就愛佇這個時陣  
恰點藥仔來催芽，暗時嘛愛佇園裡掛足濟電火球仔，予葡  
恰日時共款光，幼穎仔就會拍拚生長。



等遮的幼穎仔出穗結果，成做較粗勇了後，作穡的人就會提一款敢若釘紙機的物件，共葡萄穗佢葡萄棚仔綁作伙，按呢咧透大風的時陣，就袂予伊吹斷去，而且嘛愛共傷過密的葉仔佢傷細粒的葡萄挽掉，阿公講，按呢一葩一葩的葡萄才會生甲大粒滿穗閣飽水，嘛才賣有好價數。





見若一放假，阮轉去阿公厝裡，阿公攏愛共阮講伊少年的時佇葡萄園發生的代誌，有一擺，阿公的耳仔邊傳來 si-si-sut-sut 的聲音，他斡頭一看，竟然是一尾足大隻的飯匙銃，阿公掣一趟，繼手擰身軀邊仔的鋤頭，就共彼隻蛇打死矣。

9



閣有幾若擺，葡萄園的電線、電表和抽水的 móo tah 攏總予可惡的賊仔偷偷去，阿公氣甲心狂火著，連繼幾若暗，伊攏去田裡巡邏，可惜嘛是無掠著賊仔。

10



逐年熱人就是葡萄採收的季節，若是天公伯仔賞面，葡萄就會掛甲滿棚頂，滿面皺痕的阿公嘛會笑甲喙仔裂獅獅。這時，大人歡歡喜喜無閒咧挽葡萄佻裝箱，田裡嘛來了足濟揀貨的人客，我佻阿兄鬥跤手，那拗箱仔，那試食，這時陣的葡萄園上鬧熱矣！





這馬，阿公已經咧欲八十歲矣，無體力照顧葡萄園，換阿伯接手，毋過，伊嘛是放袂落心，逐工攞會去田裡巡幾若擺，這片葡萄園是伊的心肝寶貝！

